

Online Expo 'Oranje Gezichten' di Gustave Nouel



Expositie GN in centrale hal
Stadhuis Deventer

Schilderijen in Tijd en Ruimte met Haiku-achtige gedichten



DEBI n'e crisis di Corona, e Stadhuis di Deventer actualmente no ta habri pa publico. Como resultado, e exposicion 'Oranje Gezichten' (Caranan di Cas Real) den e entrada central cu pintura y boternan pinta p'e artista Arubiano Gustave Nouel (GN, www.gustavenouel.com) no por ser bishita. Tabatin diferente tipo di actividad planea pa durante e exposicion, especialmente relaciona cu Dia di Rey, cu awor tambe a ser cancela.

P'e motibo aki un presentacion virtual di e exposicion aki ta un bon opcion p'asina publico general tog pordisfrutadieobranandiarteaki. Via un link special creá pa GEOWINGS Virtual 360 ° Tours (<https://geowings.nl/gn11>), esnan interesá por keiro virtualmente y mira e obranan di arte inspira pa Cas di Oranje.

E exposicion, titula 'Oranje Gezichten' (Caranan di Cas Real), ta referi na pinturanan cu ta reflehá caranan vincula cu e identidad común di nos Reino soberano.

E artista Nouel, di parti Caribeño di Reino, kier enfatisá cu e Reino tin unicamente un Cas Real, aunke cu e ta consistí di 4 parti diferente den Reino Hulandes.

Considerando cu tur su actividadnan normal a pega, Nouel awor tambe kier desaroya conceptonan pa ofrece les di sketch y di pintura online. Cuminsamento di juni, e ta spera di por comparti físicamente su exper-tisio atrobe cu interesadonan den entre otro su atelier, den Centro di Arte Kunstcircuit, na DAK y caminda nan invite.

